



ŠKOLSKI ODBOR

Broj:328/20

Blažuj, 13.03.2020. godine

Na osnovu člana 94. Zakona o osnovnom odgoju i obrazovanju ("Službene novine Kantona Sarajevo" broj: 23/17, 33/17 i 30/19) i člana 8. Pravilnika o izboru, imenovanju i razrješenju direktora osnovnih škola Kantona Sarajevo ("Službene novine Kantona Sarajevo", broj: 2/18, 32/18 i 30/19), Školski odbor JU „Sedma osnovna škola“ Ilidža, na 22. (dvadeset i drugoj) redovnoj sjednici održanoj dana 2020. godine, jednoglasno d o n o s i:

ODLUKU

o izboru direktora Javne ustanove „Sedma osnovna škola“ Ilidža

I.

Kandidat Hikmet Čopra, diplomirani inženjer mašinstva (VSS-VII stepen), odlukom Školskog odbora izabran je za direktora Javne ustanove „Sedma osnovna škole“ Ilidža, na mandatni period od 4/četiri godine.

II.

Predlaže se Vladi Kantona Sarajevo da izda saglasnost za imenovanje izabranog kandidata.

III.

Ova Odluka stupa na snagu danom donošenja, a Školski odbor je dužan istu u roku od sedam/7 dana od dana donošenja, dostaviti sa kompletnom dokumentacijom o proceduri izbora i imenovanja direktora škole, putem Ministarstva za obrazovanje, nauku i mlade Kantona Sarajevo, Vladi Kantona Sarajevo na daljnje odlučivanje, radi pribavljanja saglasnosti.

O b r a z l o ž e n j e

Školski odbor JU „Sedma osnovna škola“ Ilidža je na osnovu člana 3. i 4. Pravilnika o izboru, imenovanju i razrješenju direktora osnovnih škola u Kantonu Sarajevo ("Službene novine Kantona Sarajevo", broj: 2/18, 32/18 i 30/19) (u daljem tekstu Pravilnik), donio odluku o raspisivanju javnog konkursa za izbor i imenovanje direktora škole, koji je objavljen istovremeno u dnevnom listu „Oslobođenje“ i na službenoj stranici Ministarstva za obrazovanje, nauku i mlade Kantona Sarajevo dana 08.01.2019. godine, te imenovao Komisiju koja provodi proceduru koja prethodi proceduri izbora i imenovanja direktora/direktorice.

Po zatvaranju konkursa u propisanom roku Komisiju koja provodi proceduru koja prethodi proceduri izbora i imenovanja direktora/direktorice je otvorila i pregledala zaprimljene prijave kandidata, sačinila zapisnik, utvrdila da se na konkurs prijavio jedan kandidat – Hikmet Čopra, da ispunjava uslove Javnog konkursa, sačinila Jedinственu listu kandidata, te Ministarstvu za obrazovanje, nauku i mlade KS, Općini Ilidža, predsjedniku Vijeća roditelja učenika i povjereniku Sindikalne podružnice dostavila, prijavu jedinog prijavljenog kandidata sa kompletnom dokumentacijom u skladu sa odredbama člana 3. stav (2) tačka d) gore citiranog Pravilnika.

Na osnovu člana 5. stav (2) Predsjednik Vijeća roditelja učenika JU „Sedma osnovna škola“ Ilidža, dana 30.01.2020. godine dostavio je poziv svim članovima Vijeća roditelja učenika za izbornu sjednicu Vijeća roditelja učenika, za izbor direktora škole.

Na osnovu člana 6. stav (2) Pravilnika, sindikalni povjerenik dostavio je dana 30.01.2020. godine poziv za izbornu sjednicu radnika JU „Sedma osnovna škola“ Ilidža, za izbor direktora škole.

Izborna sjednica Vijeća roditelja učenika i izborna sjednica radnika JU „Sedma osnovna škola“ Ilidža, za izbor direktora škole, održana je u **srijedu, 05.02.2020. godine** sa početkom u **18.30 sati**.



Vijeće roditelja je provelo proceduru izbora direktora od strane roditelja u skladu sa članom 5. Pravilnika, na izbornoj sjednici Vijeća roditelja učenika, a na istoj je provedena procedura glasanja, te je od strane Izborne komisije izvršeno prebrojavanje i verifikiranje glasova, Školskom odboru dostavljen je Zapisnik o konačnim rezultatima glasanja radnika za izbor direktora škole, dana 06.02.2020. godine.

Vijeće roditelja učenika JU „Sedma osnovna škola“ Ilidža, je sa 23 glasa ili 92% glasova od ukupnog broja članova Vijeća roditelja, izabralo kandidata Hikmeta Čopru za direktora škole.

Sindikalna podružnica je provela proceduru izbora direktora od strane radnika JU „Sedma osnovna škola“ Ilidža, u skladu sa članom 6. Pravilnika, na izbornoj sjednici radnika, na istoj je provedena procedura glasanje, i od strane Izborne komisije izvršeno prebrojavanje i verifikacija glasova, Školskom odboru dostavljen je Zapisnik o konačnim rezultatima glasanja radnika škole za izbor direktora, dana 06.02.2020. godine. Radnici škole su sa 55 glasova ili 93,22 % glasova od ukupnog broja radnika škole, izabrali kandidata Hikmeta Čopru za direktora škole.

Ministarstvo za obrazovanje, nauku i mlade Kantona Sarajevo je aktom - Instrukcija, broj:11/03-30-2336/20 od 04.02.2020. godine, dostavljen dana 10.02.2020. godine, dalo saglasnost da član Školskog odbora predstavnik Ministarstva, prilikom izbora direktora u JU „Sedma osnovna škola“ Ilidža, glasa za kandidata Hikmeta Čopru, jedinog prijavljenog kandidata sa Jedinstvene liste kandidata koji ispunjavaju uslove Javnog konkursa za izbor i imenovanje direktora škole.

Općinski načelnik Općine Ilidža, nakon što je od strane Škole u skladu sa članom 3. stav (3) gore citiranog Pravilnika, uredno dostavljena prijava jedinog prijavljenog kandidata sa kompletnom dokumentacijom i Jedinstvena lista kandidata koji ispunjava uvjete konkursa (Propratni akt škole broj:102/20 od 28.01.2020. godine), zaprimljen na protokol Općine Ilidža dana 28.01.2020. godine, nije dostavio odgovor odnosno instrukciju pri glasanju u Školskom odboru JU „Sedma osnovna škola“ Ilidža za izbor i imenovanje direktora škole, za člana Školskog odbora predstavnika Općine Ilidža.

Na osnovu prethodno navedenog, u skladu sa članom 8. stav (5) Pravilnika, prilikom donošenja odluke o izboru direktora, članovi Školskog odbora iz reda radnika škole i roditelja, glasali su za kandidata Hikmeta Čopru, član Školskog odbora predstavnik Ministarstva, u skladu sa datom instrukcijom glasao je za kandidata Hikmeta Čopru, što je finalno verifikovano Aktom br: 326/20 od 13.03.2020. godine (gdje su navedeni članovi Školskog odbora vlastoručnim potpisima potvrdili navedene glasove za imenovanog kandidata), stoga je većinom glasova od ukupnog broja članova Školskog odbora, odlučeno kao u članu I. dispozitiva.

Poštujući odredbu člana 10. stav (3) Pravilnika, Školski odbor dužan je u roku od sedam/7 dana od dana donošenja ove Odluke dostaviti istu sa kompletnom dokumentacijom proisteklom u predmetnoj konkursnoj proceduri, putem Ministarstva za obrazovanje, nauku i mlade KS, Vladi Kantona Sarajevo, radi pribavljanja saglasnosti za imenovanje Hikmeta Čopre za direktora JU „Sedma osnovna škola“ Ilidža, na mandatni period od 4/četiri godine.

Imajući u vidu sve prethodnonavedeno, donešena je odluka kao u dispozitivu.

Dostavljeno:

1. Vladi Kantona Sarajevo putem Ministarstva za obrazovanje, nauku i mlade Kantona Sarajevo;
2. Na oglasnu tablu škole i Web stranicu škole;
3. A/a.

Predsjednica Školskog odbora

/Šabanović Elma, prof./